



Skatteetaten

Skattebladet

Ny port inn [8]

facebook®

Nytt grunnlagsdatasystem [26]
Veien til et sunnere liv [16]
Følger fiskerinæringen [14]

INTERNMAGASIN UTGITT AV SKATTEDIREKTORATET Nr.1/ 2012

Hjelp til å ordne opp i skattesaka si

Skattehjelpen hjelper skattytarar som ynskjer å gjere opp før seg, men som treng ekstra rettleiing til korleis dei skal få det til.

Av Marianne Feste

Skattehjelpen er ei spesialordning for veldig få, som no er etablert i alle regionar. Målgruppa er skattytarar som ikkje er i stand til å oppfylle sine forpliktingar og ivareta sine egne rettar. Dette er ofte personar som er i ein svært vanskeleg

livssituasjon og som difor ikkje har klart å følgje opp sine pliktar, sjølv om dei eigentleg ynskjer å gjere opp for seg.

Willy Samuelsen, førstekonsulent i avdeling for rettleiing og førebygging i Skatt vest, har i mange år jobba med personar som har ulike skatteproblem. No er dette organisert gjennom Skattehjelpen, som og driv førebyggjande arbeid,

- I tillegg til møter med mellom anna NAV, ulike gjeldsrådgjevarar, legar og sosionomar som kan visa folk vidare til Skatteetaten, er det også viktig å møte skattytar på nye arenaer, meiner Samuelsen.

Robin Hood Huset

Difor har Samuelsen arrangert eit temamøte med stiftinga Robin Hood Huset i Bergen, ein rusfri møtestad for menneske med trong økonomi.



GOD FØREBYGGING: Det er utelukkande positivt at Skatteetaten har eit slikt tilbod, seier dagleg leiar Marcos Amano. (Foto: Marianne Feste)



- Dei som kjem til oss er mellom anna arbeidsledige, har sosialhjelp, er trygda, er aleineforsørgjar, gjeldsoffer eller dei er i ein vanskeleg økonomisk situasjon av andre årsaker, fortel dagleg leiar i stiftinga, Marcos Amano.

- *Kva synes du om at Skatteetaten kjem på besøk?*

- Det er utelukkande positivt at Skatteetaten har eit slikt tilbod. Eg skulle gjerne sett at andre offentlege etatar også kunne tilby temamøte. Det er mykje god førebygging i slike møter.

Ulike livssituasjonar

Rundt eit langbord i lokala til Robin Hood Huset er det samla rundt ti personar, både unge, pensjonistar og småbarnsforeldre. Og diskusjonen om økonomiske val i kvardagen engasjerer.

- Det er vanskeleg å planlegga økonomien når ein ikkje har fast løn. Eg veit ikkje kva eg har å bruka kvar månad, fortel ein ung mann.

- I ein slik situasjon kan det vera freistande å bruka kredittkort, er det mange som har slike kort, spør Samuelsen.

Ein mann i 20 ára innrømmer at han tidlegare har gått i kredittkortfella.

- Kredittkortet gjev ei kjensle av å vera rik i ein periode, men det er ei kortvarig lykke.

Viktig tema

Det er svært nyttig å snakka om utfordringar og problem med økonomien. For brukarane av Robin Hood Huset er det viktig å vita kor ein kan få hjelp om ein er i ein vanskeleg økonomisk situasjon, meiner Amano.

- Å snakka om økonomi er for mange tabubelagt, men det er viktig å ufarleggjera det, slik at det blir eit tema som er naturleg å diskutera også etter temamøtet, fortel han.

Avdelingsdirektør i Skattedirektoratet, Jan Magnus, påpeiker at Skatteetatens egne restanselistar er den primære kilden for å identifisere kandidatar for Skattehjelpen.

- Ut frå desse listene kan me sjå kven som har pådrege seg skattegjeld mellom anna fordi dei gjennom fleire år ikkje har levert sjølvmelding. Mange av desse treng bistand til å ordne opp i skattesaka si og etablere gjeldsordning for å gjera opp for seg, seier han.

NYTTIGE MØTER: Det er viktig å møte skattyttar på nye arenaer, fortel Willy Samuelsen i Skatt vest. (Foto: Marianne Feste)